

里堂學算記五種

釋弧卷上

江都焦循學

曲線謂之弧。直線謂之弦。以弧爲弦。復以弦爲弧。則弧得合。弧限謂之正弧。差弧限謂之斜弧。以斜爲正。復以正爲斜。則斜得不變者。謂之本形。旁通者。謂之次形。以本形爲次形。復以次形爲本形。則本形得此三者。弧角之樞也。其術之目曰。以角求弧。以弧求角。以弧角求弧。以弧角求角。舉其三。以測其三。比例之精。轉移之巧。非覃思冥索。未易言得。梅徵君文鼎著弧三角舉要。及環中黍尺。以啟發其旨趣。戴庶常震

又爲句股割圖記以行極周髀之旨。乃梅書撰非一時。繇複無次敘。戴書務爲簡奧。變易舊名。恆不易了。乾隆乙卯秋八月。取二書參之。爲釋弧三篇。上篇釋正弧弦切之用。中篇釋內外垂弧之義。下篇釋次形及矢較之術。今三年矣。或以立表之理不明。則裁弧爲弦之法不備。宜補之。嘉慶戊午秋九月。省試被落後。溫習舊業。因取昔年所論六觚八綫未成之帙。刪益爲此書上卷。而刪合原上中二卷。以爲中卷。微必求彰。期於簡要。讀梅戴兩家之書者。庶得其輓輒焉。弧矢之術。起於方田。全圓謂之周。半其全周謂之半周。

半其半周謂之象限。凡析其周如弧，則統謂之弧。依弧而裁之爲稜，謂之觚。兩觚之間如弧之有弦者，謂之弦。半之爲正弦。弦之中於圓者爲徑，半之爲半徑。


周髀算經曰：數之法出於圓方，圓出於方，方出於矩。

矩出於九九八十一，九九者數也。以數相加減，不出

乎矩。趙爽云：矩，廣長也。卽所謂直線。以數相乘除，不出乎方。故開方句股

均可以乘除之理言之。由方而圓，以形生形，必依形以求義。古人旣明以圖復象以器以形故也。乃九章算術方田章有圓田、弧田之術。圓爲弧之合，弧爲圓之分。於此可見其術有周徑、有半周、半徑、有矢、有

弦爲割圓弧矢之術所從出亦卽三角八線之理所
不能外也




右圖辰庚亥寅爲圓周。庚辰寅爲半周。庚辰爲象限。庚卯寅爲徑。卯辰爲半徑。子辰午爲弧。子戊午爲弦。觚見下。

以半徑爲弦。其觚必六。有半徑得正弦。有正弦得餘弦。有餘弦得正切。有正切得正割。以餘弦減半徑爲正矢。四者分象限而繫之。在本弧謂之正。在他弧謂之餘。是爲八綫。

古之圓率。徑一周三。劉氏徽曰。周三者。從其六觚之環耳。又曰。假令圓徑二尺。圓中容六觚之一面。與圓徑之半其數均等合。徑率一而外周率三也。西法以

半徑爲一千萬。與劉氏假令二尺。不謀而合。則不獨以徑求周。必由此起。卽以弧求弦。又孰能外乎此哉。蓋設徑爲二。則半徑爲一。六觚之弦。卽同半徑。則弦亦一也。半之爲零五。微曰半面。八綫則爲正弦矣。於是正弦有數爲句。半徑有數爲弦。用弦句求股術得餘弦。於是餘弦有數矣。乃以餘弦爲一率。正弦爲二率。半徑爲三率。求得四率爲正切。而正切有數矣。乃以正弦爲一率。半徑爲二率。正切爲三率。求得四率爲正割。而正割有數矣。餘弦旣爲他弧之正弦。又求得他弧之切割。而八線備矣。




右圖申辛爲六觚之一面。申未爲正弦。未卯爲餘弦。酉辰爲正切。卯酉爲正割。未辰爲正矢。申辰爲本弧。庚申爲他弧。丑申爲他弧之正弦。同於未卯。卯己爲餘割。庚丑爲餘矢。庚己爲餘切。

有矢有正弦。可以倍六觚爲十二。可以半六觚爲三。

劉氏割圓之術曰。置圓徑二尺。半之爲一尺。卽圓裏六觚之面。令半徑一尺爲弦。半面五寸爲句。爲之求股。以減半徑。謂之小句。觚之半面。又謂之小股。爲之求弦。卽十二觚之一面也。由是割十二觚爲二十四。割二十四爲四十八。割四十八爲九十六。西人有三


要之術其一由正弦得餘弦其二以正弦得半弧之弦卽此術也其三以正弦得倍弧之弦法以半徑爲一率正弦爲二率餘弦爲三率求得四率倍之是也術雖傳自西人而其理仍割六觚爲十二觚之理耳何也六觚之餘弦卽三角之中垂線而三角之中垂線卽三觚之正弦若以此中垂線橫畫於三角之中則三半徑變而爲三餘弦而三半徑適爲三餘弦之比例三半徑旣爲三餘弦之比例則一半徑一半徑之半必爲一餘弦一餘弦之半之比例半徑之半正弦也餘弦之半倍弧之弦也故有半徑有正弦有餘

弦而倍弧之弦得矣。均割圓之理也。



右圖辰未爲小句。未辛爲小股。辰辛直線爲求得弦。

卽十二觚之一面。



右圖卯壬之餘弦橫之爲卯未中垂線。中垂線詳見後錯之爲

壬未爲六觚內所容六觚之一面。倍之卽庚辛爲三觚之一面。卯壬未三餘弦爲卯申辛三半徑之比例。卯壬丁句股形爲卯申未句股形之比例。

以半徑乘六觚之弦得其斜弦則觚可以四。以半徑乘六觚之正弦得其斜弦之較則觚可以十。

六觚之一面與兩半徑相合成三角形是形三面之度皆十三角所當之弧皆六十無庸算者也。故算從此起。由此變化之有二。一爲半其兩角以倍其一角。一爲半其一角以倍其兩角。半其兩角以倍其一角。惟四分圓周之一。半其一角以倍其兩角。惟十分圓

周之一·四分周之一者·其觚兩畔所當必八分之一·十分周之一者·其觚兩畔所當必十分之二·此二者相為消息於六觚之面者也·凡三角之合數必如半周之數三角每角六十度合為百八十度四觚之面九十度其餘二角所當每角必四十五度四十五度於全周為八分之一十觚之面三十六度其餘二角所當每角必七十二度七十二度於全周為十分之二兩三角之度合之亦百八十度四觚兩半徑相交為直角·其觚面之絙

於下者·適為平方內之斜弦·故用平方求弦術得之平方求弦·以方邊自乘·倍而開方除之·今方邊即半徑而半徑即六觚之一面·故半徑乘六觚之弦·不啻方邊之自乘也·十觚之兩半徑相交為銳角·銳鈍詳見後若以中垂線為股·半徑為弦·可得句·為十觚面之半·然

弦有數中垂線無數則句不得而求也於是不可求

以數而可求以形剖四觚之倍角

九十度之角

以垂於觚面

則分一三角形爲兩三角形其形適相等剖十觚之

倍角

七十二度之角

以垂於半徑則分一三角形爲大小兩三

角形其小三角形與本形適相等既有相等之形則

可以爲例一三角形既分爲大小兩三角形則一半

徑亦分爲大小兩徑其大徑等於十觚之面其小徑


即可比例十觚之面小徑可比例十觚之面則大徑

可比例半徑之全矣半徑與大小二徑互相比例是

三率比例術之中末二率同於首率者也此理分中

末線所爲用也。梅勿菴於幾何通解中，明是術本於句弦和較相乘，卽句股纂而反復於遞加倍角之理。蓋角之有倍有半，猶徑之有倍有半，有角倍於角，則中分倍角而得其對邊之度，以減對邊而得大分，有邊倍於邊，則中分倍邊，以其半減直角之對邊而得大分，其義一也。惟四觚之角，兩半一倍，惟十觚之角，兩倍一半，兩半一倍者，自其倍剖之，其垂線必如底之半，兩倍一半者，自其倍剖之，其垂線必如底之全，而如要之大半，要之小半，乃轉相爲底，故倍半之比，例爲十觚之所專，此所以獨用理分中末線也。

爲正弦辰卯爲餘弦



右圖寅戌與子寅皆十觚之一面卯丑丑子同辰寅


半徑之半爲句。辰未半徑爲股。未寅爲弦。酉寅爲句。弦較卽戊寅十觚之一。亦卽卯丑之大分。

有兩弧之餘弦。各規之。互得其正弦。則兩正弦相加。得兩弧相加之正弦。相減。得兩弧相減之正弦。其理出於圓內容方。方內容圓也。


西人有二簡之法。其一用加減甚精。術以半徑與此弧正弦。例彼弧餘弦。而得四率。又以半徑與此弧餘弦。例彼弧正弦。而得四率。兩四率相加。則得此弧加彼弧之正弦。兩四率相減。則得此弧減彼弧之正弦。試爲推其本原。凡四觚內容圓。容圓內又作四觚。內

之四觚必與半徑同度。則內之正弦必當半徑之半。故合內之兩正弦即得半徑。半徑爲九十度之正弦。合兩正弦即得半徑。是既知兩四十五度之正弦可得九十度之正弦。易明者也。由正方推之縱方則不獨兩四十五相加也。六十度加三十度亦可得九十度之正弦。四十五度加三十度亦可得七十五度之正弦也。於四觚內容圓。圓之所值必中垂線亦即四十五度之餘弦。故推之於他數之加減亦必自餘弦規之也。圓內容四觚四觚同一圓。兩半面即一半徑矣。兩觚不齊則兩正弦必一長一短并之必溢於兩


弧相加之正弦互之則長者短短者長兩相消息而
 適相合此自然之理也兩線所在與兩正弦互爲同
 形之句股故以比例求之耳



右圖甲丙丙壬兩正弦乙丁丁己容圖內兩正弦卯
 甲卯壬兩餘弦卯寅半徑乙丁丁己相加即卯寅相
 減盡仍存甲丙四十五度之正弦



右二圖前圖寅乙三十度甲乙爲正弦甲卯爲餘弦
 寅丑六十度未丑爲正弦卯未爲餘弦己酉爲三十



度內互得之線。酉斗爲六十度內互得之線。相加卽
卯辰爲半徑。卽九十度正弦。相減爲午亢卽三十度
正弦。午辰與己酉等。午亢與甲乙等。自未辛作圓周
於內。卯酉爲六十度餘弦者。爲未辛小圓中半徑。己
酉卽爲酉辛小圓三十度之正弦。可以例寅辰大圓
三十度之半徑正弦矣。卯甲爲三十度餘弦者。爲甲
斗次圓中半徑。酉斗卽爲甲斗次圓六十度之正弦。
可以例寅辰大圓六十度之半徑正弦矣。後圖寅乙
三十度同前。寅丁四十五度。庚丁爲正弦。卯庚爲餘
弦。寅子七十五度。壬子爲正弦。卯壬爲餘弦。己酉爲

三十度內互得之線己斗爲四十五度內互得之線
相加卽壬子七十五度之弦相減爲午辛十五度之
正弦卯庚爲庚午小圓半徑己酉爲正弦卯甲爲甲
斗次圓半徑己斗爲正弦與寅辰大圓之半徑正弦
皆得爲例矣以餘弦比半徑未易了然以餘弦爲半
徑而規之使圓則內外容圓之理與距等圈之理可
相參而得矣

距等圈
詳見後

有所知一正弦以倍半之術推之有所知兩正弦以加
減之術推之以倍半之術推之而觚之無奇零者得矣
以加減之術推之而觚之有奇零者得矣

析圓周爲三百六十度。每度作直線與徑平行。而達於左右。則自一度至九十度。卽自二度至一百八十度也。而自九十度至一百八十度。猶之自一度至九十度。故止得一象九十度之弦。卽可槩圓周三百六十度之弦也。然自近於一度者。弦與弧不啻平行。近於九十度者。弦與弧不啻旁午。逐度變移。不可爲定。如一度二度相差約五三。而十五度以後相差止四八有奇。蓋一之於二。相去以倍。以漸而減。至八十九九十。則所差甚微矣。非比例可得而知。則必本割圓之術。求其每面以爲通弦。本六觚之形。推之於四觚。

十觚又倍之半之由三而得九

三觚六觚十二觚二觚四得
觚八觚五觚十觚二十觚

九則加減之法可施矣蓋以度衡觚觚有無奇零者
有有奇零者無奇零適當每度之數者止有十七其
餘七十三皆有奇零有奇零則不可以割圓求觚亦
不能以倍半之術推而得且數之自然而得者惟六
觚四觚十觚每觚一半一倍故止於九其餘無奇零
之觚八皆不可以倍半求者唯十五觚十八觚可由
五觚六觚以三分得一之術求之餘觚六則必用加
減得之雖無奇零同於有奇零者矣今逐度表之於
左

一度 一百八十觔

二度 九十觔

三度 六十觔

四度 四十五觔

五度 三十六觔

六度 三十觔

七度 二十五觔十四分觔之一

八度 二十二觔半

九度 二十觔

十度 十八觔

十一度 十六觔二十二分觔之八

十二度 十五觔

十三度 十三觔二十六分觔之二十二

十四度 十二觔二十八分觔之二十四

十五度 十二觔

十六度 十一觔三十二分觔之八

十七度 十觔三十四分之二

十八度 十觔

十九度 九觔三十八分觔之二十七

二十度 九觔

二十一度 八觚四十二分觚之二十四

二十二度 八觚四十四分觚之八

二十三度 七觚四十六分觚之三十八

二十四度 七觚半

二十五度 七觚五十分觚之一

二十六度 六觚五十二分觚之四十八

二十七度 六觚五十四分觚之三十二

二十八度 六觚五十六分觚之二十四

二十九度 六觚五十八分觚之十二

三十度 六觚

三十一度 五觚六十二分觚之五十

三十二度 五觚六十四分觚之四十

三十三度 五觚六十六分觚之三十

三十四度 五觚六十八分觚之二十

三十五度 五觚七十分觚之一十

三十六度 五觚

三十七度 四觚七十四分觚之六十四

三十八度 四觚七十六分觚之五十六

三十九度 四觚七十八分觚之四十八

四十度 四觚八十分觚之四十

四十一度 四觚八十二分觚之三十二

四十二度 四觚八十四分觚之二十四

四十三度 四觚八十六分觚之一十六

四十四度 四觚八十八分觚之八

四十五度 四觚

四十六度 三觚九十二分觚之八十四

四十七度 三觚九十四分觚之七十八

四十八度 三觚九十六分觚之七十二

四十九度 三觚九十八分觚之六十六

五十度 三觚一百分觚之六十

五十一度 三觚一百零二分觚之六十

五十二度 三觚一百零四分觚之四十八

五十三度 三觚一百零六分觚之四十二

五十四度 三觚一百零八分觚之三十六

五十五度 三觚一百一十分觚之三十

五十六度 三觚一百一十二分觚之二十四

五十七度 三觚一百一十四分觚之十八

五十八度 三觚一百一十六分觚之十二

五十九度 三觚一百一十八分觚之六

六十度 三觚

六十一度 二觚百二十二分觚之百一十六

六十二度 二觚百二十四分觚之百一十二

六十三度 二觚百二十六分觚之百零八

六十四度 二觚百二十八分觚之百零四

六十五度 二觚百三十分觚之百

六十六度 二觚百三十二分觚之九十六

六十七度 二觚百三十四分觚之九十二

六十八度 二觚百三十六分觚之八十八

六十九度 二觚百三十八分觚之八十四

七十度 二觚百四十二分觚之七十六

七十一度 二觚百四十二分觚之七十六

七十二度 二觚百四十四分觚之七十二

七十三度 二觚百四十六分觚之六十八

七十四度 二觚百四十八分觚之六十四

七十五度 二觚百五十分觚之六十

七十六度 二觚百五十二分觚之五十六

七十七度 二觚百五十四分觚之五十二

七十八度 二觚百五十六分觚之四十八

七十九度 二觚百五十八分觚之四十四

八十度 二觚百六十分觚之四十

八十一度 二觚百六十二分觚之三十六

八十二度 二觚百六十四分觚之三十二

八十三度 二觚百六十六分觚之二十八

八十四度 二觚百六十八分觚之二十四

八十五度 二觚百七十分觚之二十

八十六度 二觚百七十二分觚之十六

八十七度 二觚百七十四分觚之十二

八十八度 二觚百七十六分觚之八

八十九度 二觚百七十八分觚之四


九十度 二觚

右表六十度之弦爲三等觚之一。觚盡於三直線無二觚也。二觚卽全徑。剖圓爲二。有兩全徑。則亦二觚耳。二觚有零。則三觚之不等者也。凡有零皆不等之觚也。遵

御製新增三分取一。用益實歸除得之。自三度半之爲一度半。是爲九十分。又半爲四十五分。三分取一。得十五分。又得五分。又半爲二分半。是爲一百五十秒。又三分取一。爲五十秒。乃以五十秒之弦。比例得六十秒之弦。是爲一分。由是求之。每度六十分之弦皆得矣。益實歸除者。以一百分爲三。一百則三百之弦必溢於一面之弦。故於一面之原度

益之也。此用以求十八邊之一面。十八邊即六觚之三倍。六觚邊與徑同度。故以半徑爲一率。即以六觚之邊爲一率也。邊所溢之形。似於三分之一之形。故以爲比例。竝於是設爲四率相求。一率加四率同於二率。三倍之法。若六觚以外之通弦與半徑不等。則半徑雖仍爲一率。而一率加四率同於二率之三倍者。非半徑矣。故必以半徑與弧度之通弦相乘。以爲首率也。是術於比例之形。得其理。而比例之率。除半徑而外。餘皆無數可舉。故有比例而不能用。惟三分首率。以所分者爲二率。益之。以求合乎首率加四率。

如二率之三倍也。



右圖己丁乙小形同於甲乙丙大形乙丁底同於乙丙底而子丙通弦與子丑丑乙乙丙三兩相較三兩

正溢一乙丁故必於子丙加乙丁三分之乃得乙丙
比例之理以甲乙爲一率乙丙爲二率己乙爲三率
求得四率乙丁今乙丙己乙皆無數故用益實歸除
之法子丙通弦不同甲乙半徑又不可竟用子丑故
以甲乙乘子丑爲首率六觚之弦同於半徑則竟以
甲乙爲首率矣益實歸除之法附於左

以一率自乘再乘成一立方積爲實

通弦與半徑不等則以半徑自乘通弦再乘


又以一率自乘三因之成三平方積爲法以法除實
爲未定之二率以此二率自乘再乘益於原實內爲
共實又以此未定之二率與法相乘得數減其實餘


爲第二位實。又以法除之。得數加於前未定之二率。仍爲未定之二率。復如前法求之。得第三位實。又以法除之。得數加爲二率。務令二率三倍。當一率併四率之數。而後二率定。三率四率亦定。

以六觚之形。參之以四觚。則一度至於三十度爲六觚之半。三十一度至於九十度爲六觚之全。依象限爲弦。則半者弧度之弦。適等於全者弧度之弦。

二簡法之二。以六十度內外相距等者。加減相求。卽互得其度。此理卽六觚之理也。試爲解之。凡形之四方者。必合四而成四觚。形之三角等者。必合六而成

六觚六觚之半必一三角形正立兩三角形倒垂相
銜而合爲一也每三角形作中垂線而橫分以弦其
正立者弦依於六觚之面其倒垂相銜者弦依於半
徑之橫自中垂線而分之弦必半於未分者之弦不
待智者知之也依六觚之面爲弦以截之其弦卽等
於所截之邊依其邊以爲邊猶之乎弦也以邊所截
之弦及邊與弦所截之邊猶之乎三觚也依中垂線
而垂之猶之垂線也則所截之邊必倍於所截之弦
矣平行線而得同度之形幾何此言實爲以形求形
之至論今列爲圖明之






心之所湊者爲角。角應乎圓周之度爲角度。角度滿於象限爲正角。不滿爲銳角。過曰鈍角。銳角之弧爲鈍角之餘弧。其角爲鈍角之外角。鈍角之弧爲銳角之餘弧。其角爲銳角之外角。鈍角之弧過於象限故又曰過弧。

李淳風注釋九章算術云。刻物作圭形者六枚。枚別三百。皆長一尺。攢此六物。悉使銳頭向裏。則成六觚之形。角徑亦皆一尺。更從觚角外畔。圍繞爲規則。六觚之徑。盡達規矣。然則曰角曰銳。古已名之。但李氏所謂角。仍觚耳。觚爲每面線交接處之稜。趙友欽又名爲曲。西法所云角。卽李氏所云銳頭。惟有銳。則有鈍矣。

矢之在銳角者爲小矢。在鈍角者爲大矢。鈍角銳角。用弦同。用矢異。弧三角。每線皆弧。用止弦切。矢較之術。馭弧以平。則專於矢。

一象限止於九十度。過此則又爲一象限。度雖增而
弦不出乎此限也。如九十一度之通弦。卽八十九度
之通弦。一百七十九度之通弦。卽一度之通弦。故銳
角之弦。與鈍角等。銳角主乎限內。故半徑在限內者
爲矢。鈍角主乎限外。故半徑在限外者爲矢。以象限
言之。則爲正矢。爲餘矢。以縱橫分之也。以半周言之。
則爲小矢。爲大矢。以長短分之也。凡大矢減全徑得
餘弦。小矢減半徑得餘弦。凡弧過半周則減半周用
餘弧限外之餘弦。過三象限則減全圓用餘弧之餘
弦。矢較詳見後。




右圖庚卯丑爲銳角。丑卯寅爲鈍角。子丑爲正弦。庚
 子爲小矢。子寅爲大矢。庚丑爲銳角度。丑寅爲鈍角。

度

以弦爲切。以切爲弦。以割爲半徑。以半徑爲餘弦。各依而規之。皆同其度。是爲距等圈。測量之術以之。

句股以斜者爲弦。以句股有似於弧。斜者有似於弦也。方田以直者爲弦。以圓周有似於弧。直者有似於弦也。海島算經用兩竿測高。卽兩句股之比例。距等圈之義。亦卽幾句股層層相疊也。是圈平三角法用之。蓋平三角所求者尺寸。距等圈層層之度皆等。以相等之度。比例所求之尺寸。自一寸以至百尺。或高或深。無不脗合。弧三角惟論度。不論數。距等之度不

待求而自知故不用也。




右圖甲乙丙丁四圓周。卽距等圈。同是句也。在甲爲弦。在乙爲切。在乙爲弦。在丙爲切。在丙爲弦。在丁爲切。

惟半徑橫則爲句。縱則爲股。斜則爲弦。倍之爲割線之準。半之爲正弦之準。視所合以爲之用。故八線者。成於六觚之半徑者也。

割圓起於半徑。而半徑隨弧度之分以爲之截。故角之鈍銳。弦之正餘。皆視乎半徑之所在。以爲短長。小大之則。不出象限。故不能逃乎半徑。值乎短者小者。則半徑斜就之爲弦。值乎長者大者。則半徑縱橫合。

之以爲勾股。故弦之與徑猶切之與割。亦猶徑之與餘割。割之於徑猶徑之與餘弦。亦猶餘割之與餘切。皆自然之數也。以一六觚之形剖而半之。則半徑必半於兩形相貫之半徑。兩形相貫之徑卽六十度之割線也。故正弦與半徑不啻半徑與餘割。由是而推之。正割之較半徑多一圓外短線。半徑之較餘弦多一圓內短線。弦切以圓周內外爲限。故半徑與餘弦猶之正割與半徑。而半徑與餘切猶正割與餘割。正弦與餘弦亦猶正割與餘割。均可知矣。梅勿菴弧三角舉要第五卷分相當之法九互視之法十二推明

其錯綜反變之理謂八綫比例同宗半徑凡一率乘四率二率乘三率皆等於半徑自乘可云至精至悉矣而以六觚之理衡之益信劉氏割圓之術爲西人不能外也



右圖庚己三十度己辰六十度庚卯己卯辰卯皆半

徑丁丙戊乙同辛己己甲皆正絃亦卽餘絃卯甲辛卯同庚戌丙辰皆正切卯乙丁卯同以四率相求明之於左

正絃

辛己

半徑

己卯

半徑

丁丙

餘割

丙卯

餘絃

辛卯

半徑

卯己

半徑

庚卯

正割

卯戊

正切

戊庚

半徑

庚卯

半徑

丙丁

餘切

丁卯

正絃

己辛

餘絃

辛卯

半徑

丙丁

餘切

丁卯

餘絃

甲乙

正絃

己辛

半徑

乙戊

正切

戊庚

正割

卯戊

正切

戊庚

半徑

卯己

正絃

己辛

餘割

卯丙

餘切

丙辰

半徑

卯己

餘絃

己甲

正割 卯戊

餘割 卯丙

半徑 卯庚

餘切 卯丁

餘割 丙卯

正割 戊卯

半徑 辰卯

正切 乙卯

正弦 卯甲

正切 卯乙

餘切 卯丁

餘割 丙卯

餘弦 己甲

餘切 丙辰

正切 庚戌

正割 戊卯

正弦 卯甲

餘弦 甲己

正割 卯己

餘割 卯丙

勿菴互視之法有他弧本弧相求九則按之前十二則已盡之但變名耳今釋於後

他弧正弦

即餘弦

他弧餘弦

即正弦

他弧餘割

即正割

他弧正割

即餘割

他弧正切

即餘切

他弧餘切

即止切

門人汪昌序

校字

男


廷琥

釋弧卷中

江都焦循學

平三角自內以例外。弧三角自外以例內。內弧之度。成於半周。與距等圈之度異。

距等之周。本小於圓周。小周大周同度。故以大當大。以小當小。亦同度。兩半周之大同。而兩徑之間。一當大。一當小。則其度遂不同矣。蓋平三角所求者尺寸。必以度與尺寸相比例。故同度之中。而有不同。弧三角所求者角度。自一度以至半周。不出大弧之內。故不同度之中。而有同焉之理也。




右圖子乙爲距等圈庚乙寅爲半周同於庚辰寅戊
卯半徑所截在距等圈則子辛子甲爲弦在半周則
癸丙癸己爲弦子乙與戊辰大小同度癸乙與戊辰

大小不同度。

平三角。所以測平圓也。弧三角。所以測渾圓也。渾圓之周。等於平圓。其線之市於渾圓者。皆爲圓周。半之皆半周。半周之縱絡者曰經。距等圈之橫亘者曰緯。爲緯線者爲經度。爲經線者爲緯度。


大戴禮云。南北爲經。東西爲緯。經之半周。所以有百八十度者。緯線成之也。緯之半周。所以有百八十度者。經線成之也。以線言之。則縱爲經而橫爲緯。以度言之。則縱爲緯而橫爲經。求黃赤道之度。卽求北極剖分之三百六十綫也。求過極經圈之度。卽求黃赤

距緯之距等圈也。今恐易於惑人。惟以弧角言之。而
 辨明於此。



緯線即距等圈

線以曲而成弧。弧以交而成角。弧之去角適當半徑者。
 爲角度。不合者。爲弧度。正角用半徑。鈍角銳角各用其
 弦切。渾圓之弦切。卽平圓之弦切也。



右圖癸乙午亥乙辰庚丙寅皆半周相交成甲乙丙
三角形卽弧三角也癸辰爲乙角度丙甲爲弧度午
寅爲丙角度乙甲爲弧度庚亥爲甲角度乙丙爲弧
度

渾圓之界弧有短長爲弧則遇爲弦則違各主一周互
爲高下欲知其端必辨厥角角之在心者切所集也角
之近極者弦所湊也在心者兩經兩緯之交也近極者
經緯之斜交也經緯之正交者正角也正角居半徑之
間從乎縱則成切從乎橫則成弦故對弧之切連於右
弧之弦右弧之切連於左弧之切左弧之弦連於對弧

之弦皆因諸其角也。

平圓半徑以每度分之則有三百六十皆自心達於周。渾圓之周以徑線分之則有三百六十。每周半徑三百六十。其得半徑一十二萬九千六百。皆自心達於渾圓之冪。每周內弧線滿乎九十度。則兩平圓相銜共一半徑。若不及九十度而有弧以截之。則自所截之處必交爲二角。此二角之弦必行於心之外。冪之內。隨所截之多寡以爲高下。切線皆在冪外。總之每一弧卽爲一平圓周之所截。三弧雖合成一三角形。其實爲三平圓之周所成。故各依平圓周爲切爲

弦必不能相交而成三角矣。經與經交。緯與緯交。必

居正中。

經交在赤道之中。緯交在兩極之中。

經緯十字相交。必爲正角。居經

角緯角之偏。

自一度以至九十度。

其經緯斜交。在經角必近兩分。

在緯角必近兩極。自心旁行。由高向下。故綫浮幕外

爲切。由側向心。故綫行渾圓體中爲弦。正角一旁。由

高向下。一旁由側向心。故一綫在外。一綫在內也。對


弧左弧右弧之稱。以所知之角定之。而角度與對弧

爲一例。其左右之弧。卽與角度之兩半徑爲例。大約

對弧之弦切。與角度之弦切爲例。其左右弧之當正

角者。與半徑餘弦爲例。其左右弧之當銳角者。與半

徑正割爲例正角則恒爲半徑之例也



測量全義第七卷第一題下有圖爲赤道卽右亥甲

辰半周爲黃道卽右午丙癸半周爲極至交圈卽右

庚辰寅亥全周

二分爲心則
兩至爲各度

爲過極經圈卽右庚丙寅半

周爲黃赤距度之垂綫成弦切割餘弦卽右癸辰度

之戊辰

切

癸巳

弦

卯癸

割

卯己

餘

自黃道垂綫爲經

圈正弦又垂綫爲黃弧正弦卽右丙辛丙丑兩正弦

自赤道作綫上行爲經圈正切又旁行爲赤弧正弦

卽右子甲切與甲壬弦以赤弦合經切爲半徑與角

切之比例以黃弦合經弦爲半徑與角弦之比例梅

氏弧三角舉要以雅谷所圖闕黃赤二弧之切則舉

角可以求弧舉弧不可以得角乃補二綫爲乙未爲

乙酉面有此二切可以爲半徑餘弦之比例可以爲

正割半徑之比例正弧三角於此盡矣乃雅谷於經

弦黃弦之端與赤弦經切之端作虛綫連之爲直綫

直角形割弧三角舉要因之爲五句股以明其相似

又取九章商功之塹堵鼈臑明立三角之理蓋自弧

言之爲弧三角自弦割半徑言之則爲立三角觀其

裏可知其表也戴東原句股割圓記本之爲立三角

三成圖一成兩切也二成一弦一切也三成兩弦也

以赤爲句以經爲股以黃爲弦兩切爲弦句加以虛

股兩弦爲弦股。加以虛句一弦。一切爲句股。加以虛
弦。亦緣全義舉要之圖。分析明之以盡其致也。循謂
黃赤兩道夾經綫之弧爲角度。則自一度以至九十
度。其度移則相距之經度亦移。多寡均可以相例。則
乙丙甲之三弧等於乙癸辰之三弧。其相似而可爲
比例也。不待辨而自見。惟平圓八綫之法。所以用弦
切者。固以曲綫不可算。必直之而後可算也。直之而
後算。則任以一半徑爲底直。其內爲弦。直其外爲切。
此自然之理也。有弦則短半徑以就之爲餘弦。有切
則續半徑以就之爲正割。亦自然之理也。今三弧皆

曲綫其不可算猶之乎平圓之一弧也。

如卯癸辰止癸辰一弧爲曲綫

皆

曲綫而欲算之必皆直之爲弦切無惑也。其乙癸辰之三弧乙癸乙辰皆滿弧限皆以半徑爲弦與心與角度無高下之不齊故其端相遇然黃弦卯癸與角弦癸巳爲弦股則赤弦卯辰卽不可以爲句赤弦卯辰與角切戊辰爲句股則黃弦卯癸卽不可以爲弦黃弦卯癸與赤弦卯辰爲弦句則角之弦切均不可以爲股所有之餘弦正割仍癸辰角度之半徑所成非增損黃赤兩弦以就之也因角度應有之半徑與黃赤之弦適合故槩曰用半徑不知同一半徑而各

有所主也。如以西乙黃切。例卯癸半徑以乙未赤切。例卯巳餘弦。此半徑爲乙癸之弦。餘弦自屬角度癸辰與乙辰之弦無涉。以卯辰半徑。例赤切乙未以卯戊正割。例黃切酉乙。此半徑爲乙辰之弦。正割自屬角度癸辰與乙癸之弦無涉。此卯戊正割卯巳餘弦與戊辰正切癸巳正弦爲一類。不屬諸黃赤兩弦。顯然可見。旣爲緯度所截。成乙丙甲三弧。而每弧皆曲。猶之乙癸辰三弧。每弧皆曲也。乙癸乙辰滿限。用半徑爲弦。截爲乙丙乙甲。不滿象限。自當別爲弦切。試自乙丙丙甲甲乙三弧。各割爲平圓。則各有半徑。

卯酉

卯各有餘弦。卯辛卯各有正割。卯子卯與角度等又何詫

於黃赤兩弧之切。出於體外哉。其酉乙與乙未連不

與子甲連。猶卯癸與卯辰連。不與戊辰癸巳連也。其

丙丑與丙辛連。不與甲壬連。猶卯癸與卯己連。不與

卯辰連也。子甲與甲壬連。不與丙丑連。猶戊辰與卯

辰連。不與卯癸連也。惟其有一綫之不連。此半徑之


或與弦用。或與切用。所以各有指歸。而乙丙甲三弧

之弦切。不能漫取爲例。亦於是乎定。故相似比例之

義。觀乙癸辰與乙丙甲兩形可見。設爲虛綫。轉令炫

矣。今不以立三角明之。而廣諸半周爲全圓。以明三


弧比例之義




右圖庚甲寅與庚辰寅側交如一瓣瓜形從圓外截之於癸則得癸辰角度截之於丙則得丙甲角度卯


丙與卯癸同是半徑也。庚甲與庚辰同是象限也。剖庚辰寅爲平圓。而卯癸截之。剖庚甲寅爲平圓。而卯丙截之。其爲角度。其有弦有切。有割無不同。而卯癸所截之癸辰。得稱角度。卯丙所截之丙甲。不得稱角度。何也。弧三角以弧線爲主。所以截自癸者。以癸乙弧交庚辰於癸也。截自丙者。以癸乙弧交庚甲於丙也。乙癸滿一象限。乙丙不滿一象限。故丙甲在平圓。同是角度。而在弧線。不得爲角度也。惟其在平圓。同是角度。伸丙甲合諸癸辰。則子甲切。猶之戊辰切丙辛。弦猶之癸巳弦。得爲比例。卯戊割。與卯子割。不平。

行則不得爲比例也。





右二圖伸甲乙弧爲辰乙亥平圓。合諸癸辰弧之平圓。則乙未正切。丑甲正弦與卯辰半徑平行。卽與卯己餘弦平行。故乙未切。丑甲弦得與卯辰半徑。卯己餘弦爲比例。而卯未割線不與卯癸割線平行。因而卯乙半徑亦與癸辰弦線相差均不可爲比例矣。伸丙乙弧爲癸乙午平圓。合諸癸辰弧之平圓。則乙酉正切。壬丙正弦與卯癸半徑平行。卽與卯戊割線平行。故乙酉切。壬丙弦得與卯癸半徑。卯戊割線爲比例。而卯酉割線不與卯辰半徑平行。卯乙半徑不與戊酉切線平行。不可爲比例矣。




右圖戊卯辰子丑甲丙壬辛酉乙未四形相等可爲

比例酉卯乙未卯乙與戊卯辰不相等故不可爲比
例子甲爲丙甲弧之切甲丑爲甲乙弧之弦合之以
例戊丙與丙卯丙辛爲丙甲弧之弦丙壬爲丙乙弧
之弦合之以例丙戊與戊卯酉乙爲乙丙弧之切未
乙爲甲乙弧之切合之以例戊卯與卯辰觀於此圖
而弧三角比例之理如視掌矣

角度在經則經之弧皆正角度在緯則緯之弧皆正緯
線不爲角而爲弧則交於緯之正弧者爲斜弧經線不
爲角而爲弧則交於經之正弧者爲斜弧有兩正弧乃
有一正角有正角而後半徑可用也

凡弧三角三角正三弧足者兩正角兩足弧者均無
俟算而自知其待算者或正角一鈍角二或正角一
銳角二或正鈍銳各一或大弧二小弧一或三弧並
小皆謂之正弧正弧者弧之正行不斜之謂也三正
角兩正角既不用算三鈍三銳及二鈍一銳二銳一
鈍並爲斜弧之角故正弧之角止於三類三足弧兩
足弧既不用算三大弧爲三鈍之弧二大二小必無
足弧二小一大二大一小均必兩銳一鈍皆斜弧之
弧故正弧之弧止於二類其兩銳兩鈍又有同度不
同度之分而比例之法一也

右圖甲庚丁爲三正三足甲丁寅爲兩正一銳兩足
 一小甲丁卯爲兩正一鈍兩足一大庚亥未爲一正



二鈍庚亥丑爲一正二銳亥辛未爲正銳鈍各一庚申辰爲二大弧一小弧庚申卯爲三小弧兩緯交則角度在經如戊丁是也丁丙爲緯正弧與甲丁甲寅等經線交皆成正角戊己於丁丙爲斜弧若經線所交以緯爲角如丁寅子卯之類則庚又爲丁甲丙之極而已庚之斜弧爲正弧甲寅甲子甲丑甲卯諸正弧又爲斜弧矣

角度對弧求右弧

一角度切

二對弧切

三半徑

四右弧弦

角度對弧求左弧

率一 角度弦

率二 對弧弦

率三 半徑

率四 左弧弦

角度右弧求對弧

率一 半徑

率二 角度切

率三 右弧弦

率四 對弧切

角度左弧求對弧

率一 半徑

率二 角度弦

率三 左弧弦

率四 對弧弦

角度右弧求左弧

率一 角度餘弦

率二 半徑

率三 右弧切

率四 左弧切

角度左弧求右弧

率一 角度正割

率二 半徑

率三 左弧切

率四 右弧切

對弧右弧求角度

率一右弧弦 率二對弧切 率三半徑 率四角度切

對弧左弧求角度

率一左弧弦 率二對弧弦 率三半徑 率四角度弦

右弧左弧求角度

率一右弧切 率二左弧切 率三半徑 率四角度正割

斜弧之垂線曰垂弧。在內曰形內垂弧。在外曰形外垂弧。角兩銳。上鈍角而內垂。得正角二。上銳角而內垂。得正角一。一正角。不可以算。故上鈍角必內垂。上銳角必外垂。上鈍角。則下之類同也。上銳角。則下之類異也。

九章算術題云。今有圭田。廣十二步。正從二十一步。

圭田卽三銳角形。正從者中垂線也。有中垂線則分爲兩句股。故半其廣而以正從除之。化三角爲句股之理。已發蒙於是。蓋兩句股相背三銳角也。有全形闕半者。一銳角一鈍角居於下也。合者分之作其股於中。則爲中垂線。闕者補之作其股於外。爲外垂線。三角均銳爲中垂無疑。惟兩銳一鈍則或中或外。不可豫定。何也。凡三角必剖爲兩句股。以兩銳向下。其上或銳或鈍。自中剖之。兩形皆句股。若一銳一鈍向上。其上之銳角不能居正中。而斜偏於一畔。依鈍角中垂。則必不能得兩句股。故宜自銳下垂。虛作一小

句股以補成一大句股。測量全義云。凡底邊兩旁角爲同類。垂弧在形內。若異類。垂弧在形外。勿菴以兩鈍雖同類。不可以內垂。兩鈍一銳雖異類。不可以外垂。然兩鈍一銳必用次形。次形之內垂。外垂仍不外同類異類之例也。

垂弧之法。非別有術也。垂弧者。所以欲得正角也。斜弧無半徑。徑用之。不得斜弧。得正弧矣。得正弧。斯得斜弧矣。

粟米章法。賤實貴之術。不可以平除而先。以平除得之。然後加減得其貴賤。斜弧之理亦如是耳。先得正

弧或在形外或在形內皆得諸自然既得而以形名之故謂之垂弧有垂弧而更求斜弧猶平除而後得貴賤也

垂弧之法無定角也視其所舉也舉兩角一弧則垂於不舉之角舉兩弧一角則垂及於不舉之弧連角之弧其不連之端弧之所垂也內垂之法得其半而求其半外垂之法得其全而用其虛

內垂惟一角分爲兩角一弧分爲兩弧與原角原弧不同其左右之兩角兩弧則與正角共之也故隨取兩畔之一角一弧合正角求之得中線外垂之鈍角

廣而爲正角。一銳角因垂線增之一弧設於形內。一弧增長。皆異於原角。原弧其餘一弧一角。則與正角共之。故合正角求之得外線。

正弧之法。舉二可得。有正角也。斜弧之法。舉二不可得。無正弧也。

求正弧者。有一弧一角。或兩弧合正角爲三。斜弧必舉兩弧一角。或兩角一弧。其故何也。一弧一角。合正角求得垂線。又必有一弧或一角。合此垂線及正角。乃可得其斜也。

平角之垂。例以正弦。弧角之垂。例以半徑。平角之垂。有


三邊而角可得也。弧角之垂有三邊而不等則角不可得也。



三弧求角之法可施於正弧。若斜弧惟三弧中有二弧相等者而後可。蓋正弧有三弧任取二弧與正角合求則得角。斜弧之三弧自中作垂線則兩形均止一弧與正角同其底弧中分爲二惟兩要之弧相等則垂弧所折半之底弧亦相等故可分底弧之半與正角及所知之弧求得角也。苟兩要有大小則底弧爲垂弧所分者亦有大小其數不可知矣。

平角之垂有一鈍角無兩鈍角垂線得而盡也。弧角之

垂有二鈍角。有三鈍角。垂弧不得而窮也。惟兩銳角而後成平角之形。惟平角而後得弧角之度。

弧線皆曲。故有二鈍三鈍之角。弧必改爲弦切。則亦平三角矣。兩鈍三鈍之綫。在平角必不能成三角形。故弧角之兩鈍三鈍者。不可改爲平三角形。卽不可作垂弧也。





右圖甲爲正角甲丙乙爲正弧三角易甲爲丁則變爲斜弧三角丁爲銳角則丙甲爲形內垂弧丁爲鈍角則丙甲爲形外垂弧庚甲亥如庚卯亥丑丁亥如丑卯亥子甲亥如子卯亥觀此正銳鈍可見乙角乙丙弧爲甲乙丙正弧三角之所有亦卽爲乙丙丁斜弧三角之所有故據此可求得正弧有正弧以爲之推移斜弧可求得矣今用甲乙丙丁爲識表其算例於左

有乙角有乙丙弧有丁丙弧求乙丁弧

先以乙角甲角乙丙弧求得丙甲弧又求得乙甲弧

次以甲角丁丙弧丙甲弧求得甲丁弧次以乙甲弧併甲丁弧得乙丁弧

有乙角有乙丙弧有乙丁弧求丁丙弧

先以乙角甲角乙丙弧求得丙甲弧又求得乙甲弧次以乙甲弧減乙丁弧得甲丁弧次以甲角甲丁弧丙甲弧求得丁丙弧

有乙角有丙角有乙丙弧求乙丁弧

先以乙角甲角乙丙弧求得丙甲弧又求得乙丙半角又求得乙甲弧次以乙丙半角減丙角得丁丙半角次以丁丙半角甲角丙甲弧求得甲丁弧次以乙

甲弧併甲丁弧得乙丁弧

有乙角有丙角有乙丙弧求丁丙弧

先以乙角甲角乙丙弧求得丙甲弧又求得乙丙半角次以乙丙半角減丙角得丁丙半角次以丁丙半角甲角丙甲弧求得丁丙弧

有乙角有丁角有乙丙弧求乙丁弧

先以乙角甲角乙丙弧求得丙甲弧又求得乙甲弧次以丁角甲角丙甲弧求得丁甲弧次以丁甲弧併乙甲弧得乙丁弧

有乙角有丁角有乙丙弧求丁丙弧

先以乙角·甲角·乙丙弧求得丙甲弧·次以丙甲弧·丁角·甲角求得丁丙弧。

有乙角·有乙丙弧·有乙丁弧·求丙角。

先以乙角·甲角·乙丙弧求得丙甲弧·又求得乙甲弧·次以乙甲弧減乙丁弧得甲丁弧·次以甲丁弧·丙甲弧·甲角求得丁丙半角·次以乙甲弧·乙丙弧·甲角求得乙丙半角·次以乙丙半角·併丁丙半角得丙角。

有乙角·有乙丙弧·有乙丁弧·求丁角。

先以乙角·甲角·乙丙弧求得丙甲弧·次以丙甲弧·乙丙弧·甲角求得乙丙半角·次以乙丙半角·乙丙弧·甲

角求得乙甲弧次以乙甲弧減乙丁弧得甲丁弧次以甲丁弧丙甲弧甲角求得丁角

有乙角有乙丙弧有丁丙弧求丙角

先以乙角甲角乙丙弧求得丙甲弧又求得乙丙半角次以丙甲弧丁丙弧甲角求得丁丙半角次以丁丙半角併乙丙半角得丙角

有乙角有乙丙弧有丁丙弧求丁角

先以乙角甲角乙丙弧求得丙甲弧次以丙甲弧丁丙弧甲角求得丁角

有乙角有丁角有乙丙弧求丙角

先以乙角甲角乙丙弧求得丙甲弧又求得乙丙半角次以丙甲弧甲角丁角求得丁丙半角次以丁丙半角併乙丙半角得丙角

有乙角有丙角有乙丙弧求丁角

先以乙角甲角乙丙弧求得丙甲弧次以丙甲弧乙丙弧甲角求得乙丙半角次以乙丙半角減丙角得丁丙半角次以丁丙半角丙甲角甲角求得甲丁弧次以甲丁弧丙甲弧甲角求得丁角

形內垂弧

按所舉乙角乙丙弧故以乙角爲本角若所舉丁角丁丙弧則丁角爲本角矣若乙角與乙丁弧並舉或與丁丙弧

並舉則垂弧並在丁

有乙角有乙丙弧有丁丙弧求乙丁弧

先以乙角甲角乙丙弧求得丙甲弧次以乙角甲角
丙甲弧求得乙甲弧次以丁丙弧丙甲弧甲角求得
甲丁弧次以甲丁弧減乙甲弧得乙丁弧
有乙角有乙丙弧有乙丁弧求丁丙弧

先以乙角甲角乙丙弧求得丙甲弧又求得乙甲弧
次以乙甲弧減乙丁弧得丁甲弧次以丁甲弧丙甲
弧甲角求得丁丙弧

有乙角有丙角有乙丙弧求乙丁弧

先以乙角甲角乙丙弧求得丙甲弧次以乙角甲角

丙甲弧求得乙甲弧次以乙甲弧丙甲弧甲角求得
丙全角次以丙全角減丙角得丙半角次以甲丙弧
丙半角甲角求得丁甲弧次以丁甲弧減乙甲弧得
乙丁弧

有乙角有丙角有乙丙弧求丁丙弧

先以乙角甲角乙丙弧求得丙甲弧次以丙甲弧乙
丙弧甲角求得丙全角次以丙全角減丙角得丙半
角次以丙半角甲角丙甲弧求得丁丙弧

有乙角有丁角有乙丙弧求乙丁弧

先以乙角甲角乙丙弧求得丙甲弧又求得乙甲弧

次以丁角減半周得丁外角次以丁外角甲角丙甲
弧求得甲丁弧次以甲丁弧減乙甲弧得乙丁弧
有乙角有丁角有乙丙弧求丁丙弧

先以乙角甲角乙丙弧求得丙甲弧次以丁角減半
周得丁外角以丁外角甲角丙甲弧求得丁丙弧
有乙角有乙丙弧有乙丁弧求丙角

先以乙角甲角乙丙弧求得丙甲弧以丙甲弧乙丙
弧甲角求得丙全角求得乙甲弧次以乙甲弧減
乙丁弧得丁甲弧次以丁甲弧丙甲弧甲角求得丙
半角次以丙半角減丙全角得丙角

有乙角。有乙丙弧。有乙丁弧。求丁角。

先以乙角。甲角。乙丙弧。求得丙甲弧。次以丙甲弧。乙丙弧。甲角。求得乙甲弧。次以乙甲弧。減乙丁弧。得丁甲弧。次以丁甲弧。丙甲弧。甲角。求得丁外角。次以丁外角。減半周。得丁角。

有乙角。有乙丙弧。有丁丙弧。求丙角。

先以乙角。甲角。乙丙弧。求得丙甲弧。次以丙甲弧。丙丁弧。甲角。求得丙半角。次以丙甲弧。乙丙弧。甲角。求得丙全角。次以丙全角。減丙半角。得丙角。

有乙角。有乙丙弧。有丁丙弧。求丁角。

先以乙角甲角乙丙弧求得丙甲弧次以丙甲弧丁丙弧甲角求得丁外角以丁外角減半周得丁角有乙角有丁角有乙丙弧求丙角

先以乙角甲角乙丙弧求得丙甲弧次以丁角減半周得丁外角次以丁外角甲角丙甲弧求得丙半角次以乙丙弧丙甲弧甲角求得丙全角次以丙全角減丙半角得丙角

有乙角有丙角有乙丙弧求丁角

先以乙角甲角乙丙弧求得丙甲弧次以乙丙弧丙甲弧甲角求得丙全角次以丙全角減丙角得丙半

角次以丙半角甲角丙甲弧求得丁丙弧次以丁丙
弧丙甲弧丙半角求得丁外角次以丁外角減半周
得丁角

形外垂弧

按形外垂弧與形內垂弧同惟丁角之度在形內則居丙
丁甲正弧之內在形外則屬乙丙丁邪弧之中故必多一

求外角
之例

門人汪昌序

校字

男

廷琥

釋弧卷下

江都焦循學

求二鈍三鈍之術必以次形立三弧三角之法必以矢較次形之設有二一互以小大一互以弧角互以弧角者以角爲心距半徑而弧之以爲半周弧其三角爲三弧交其三弧爲三角是爲次形在此爲外角在彼爲弧在此爲餘弧在彼爲角故鈍可易而銳也鈍易而爲銳正弧斜弧之恒術可施矣

弧三角舉要言垂弧之法有三一內垂一外垂一垂於次形又曰正弧三角斜弧三角並有次形法而其

用各有二。其一易大形爲小形。則大邊成小邊。鈍角成銳角。其一易角爲弧。易弧爲角。則三角可以求邊。亦二邊可求一邊。此言次形甚明。又云三角減半周。得次形三邊。算得次形三角。減半周。得原設三邊。又云法以本形三外角之度。爲次形三邊。以本形三邊減半周之餘。爲次形三角。次形之義。數言盡之矣。循按渾圓之上。有一周。必有一周與之相交。縱橫成十字。縱者爲弧。則橫者爲角。橫者爲弧。則縱者爲角。弧三角爲三弧之相交。每弧一縱一橫。縱者交爲三弧。橫者亦交爲三弧。兩橫之相交爲鈍角。其兩縱相交

右圖乙丙丁三鈍角爲心作未甲庚午丑辛壬卯申

巽三半周相交成卯子甲三銳角形是爲次形酉未

爲乙角酉庚爲乙外角午丑爲丙角辛丑爲丙外角

申辰爲丁角申癸爲丁外角壬辰亦丁外角卯甲酉與甲酉庚

皆象限同減甲酉則次形甲卯弧與乙外角酉庚同

辛丑甲與丑甲子皆象限同減丑甲則次形子甲弧

與丙外角辛丑同癸申卯與申卯子皆象限同減申

卯則次形子卯弧與丁外角癸申同壬辰子與辰子卯同減辰子壬辰亦與子卯同

己丙爲乙丙弧之餘午未爲甲角丁己爲乙丁弧之


餘酉辰爲卯角戊丁爲丁丙弧之餘丑申爲子角己

丙未與丙未午皆象限同減丙未則乙丙餘弧之己
丙與甲角度午未同己丁酉與丁酉辰皆象限同減
酉丁則乙丁餘弧之丁己與卯角度酉辰同依丁角之半周則酉
辰爲卯角度依乙角之半周則庚亥爲卯角度
庚亥之於乙午猶酉辰之於丁己其度亦同戊丁丑與丁丑申皆

象限同減丑丁則丁丙餘弧之戊丁與子角度丑申



同依丁角之半周則丑申爲子角之度依丙角之半周則戊辛爲子角之度戊辛與丙未猶丑申與丁戊或以寅癸爲子角亦同辛未爲

甲外角與乙丙弧同酉癸爲外角與乙丁弧同壬丑
爲子外角與丁丙弧同



右圖乙丙丁二鈍角一銳角次形子卯甲二銳角一
 鈍角二圖本梅勿巷派三角舉要今復爲二圖於左

以明其理




右二圖室斗與尾氐交亢牛與心井交若以亢房尾
爲三角形則尾心室亢爲角度而外角亢氐卽室心

次形一弧也。室房爲尾角度。心房爲亢角度。卽爲心
房室次形之兩弧。且尾心室亢爲本形弧。亢氏爲餘
弧。心室亦爲次形房角度。於此可明弧角相易之理。
互以大小者。於圓中爲兩半周。相交而得四形。銳角之
弧。必鈍角之餘。減餘之弧二。共用之弧一。合而成之。亦
曰次形。三鈍之形。減本形而得次形。次形所得。不待減
而得本形。兩鈍之形。次形必三銳角之銳者。弧之牖者。
不必兩相易也。



對角外角之理。詳於幾何原本。凡圓內分四形。各形
必有兩外角。一對角。必有兩餘弧。一共用之弧。三銳

形隨舉一角一弧皆必減半周用外用餘而所得者必對角必共用之弧故次形所得卽本形之度不必復減半周如弧角相易之例也兩鈍一銳形其每形之爲兩外角一對角兩餘弧一共用之弧無異也唯所舉兩鈍角必易爲次形之銳角若所舉爲銳角其外角轉爲鈍角則不可用外角而宜用對角對角無容易者也抑唯所舉兩大弧必易爲次形之小弧若所舉爲小弧其餘弧轉爲大弧則不可用餘弧而宜用共用之弧共用之弧無容易者也其次形之所得亦然求得外角銳角必仍易爲鈍角求得餘弧之小

弧必仍易爲大弧。若對角及共用之弧則無容易。何
 也。對角卽本形之銳角。共用之弧卽本形之小弧也。




右圖己戊乙與丙乙戊皆爲半周同減乙戊則丙乙與戊己同



右圖戊角爲丙對角己角爲乙對角其度皆等本形

乙丙丁三鈍次形爲兩銳一鈍鈍角戊己皆對角



右圖丁丙乙兩鈍角一銳角次形丙乙戊必三銳角
丙乙兩鈍角用外角丁銳角即用本角丁丙丁乙兩

大弧用餘弧丙乙小弧卽用本弧此本形變次形與
三鈍角異也得戊角不減半周卽丁角得丙乙兩銳
角必減半周乃得丙乙兩鈍角得次形丙乙弧不減
半周卽本形丙乙弧戊丙戊乙兩小弧必減半乃得
丁丙丁乙兩大弧

以角得角以弧得弧爲簡然鈍角銳角之減不減二
鈍三鈍之不同法算時宜分別不誤以角得弧以弧
得角兩費減半周之勞而其用外角用餘弧無分銳
角鈍角也用之爲便故表其例於左又正弧及斜弧
之二銳三銳者均可用次形梅氏書詳言之然以無

正角而用垂弧不能垂弧而用次形次形者爲三鈍
二鈍而設也今專詳三鈍二鈍之次形而正角銳角
者略焉顧鈍角之次形明則正角銳角之次形可以
推而識之惟不同於鈍角者有二凡銳角弧度滿於
限則次形必得正角二鈍三鈍之弧無滿限者則次
形必無正角之理一也三銳二銳用一外角兩本角
以得次形三鈍二鈍皆用外角以得次形二也明於
此二者之異其同者不待言矣

有兩角一弧求弧

以兩角一弧各減半周爲次形之兩弧一角用兩弧

一角求得次形所求之角減半周得本形之弧

有兩角一弧求角

以兩角一弧各減半周爲次形之兩弧一角用兩弧一角求得次形所求之弧減半周得本形之角

有兩弧一角求弧

以兩弧一角各減半周爲次形之兩角一弧用兩角一弧求得次形所求之角減半周得本形之弧

有兩弧一角求角

以兩弧一角各減半周爲次形之兩角一弧用兩角一弧求得次形所求之弧減半周得本形之角


矢較之法有二。一以總弧較存弧。一以初數得後數。

二法並詳梅氏環中黍尺。戴氏句股割圓記謂之正視之規。差角與弧爲比例。止舉三弧無比例之處。故不用弦而用矢。不用側視而用平儀。


所求之角曰本角。居兩個者曰夾角。角兩個之弧曰夾弧。對本角曰對弧。夾弧之修者曰大弧。促者曰小弧。循弧而規之。其一爲圓周。其二爲半周。夾弧之半周形必縮。對弧之半周形必側。其弧縮者弦縮。其弧側者弦側。惟其縮故度不減。惟其側故法以互。弧有大小而較生焉。較弧有弦而矢截焉。以較弧之矢減對弧之矢。其減

之餘曰兩矢較。欲得對弧之矢。必先得兩矢之較。以兩矢之較合較弧之矢。而對弧之矢得矣。兩矢之較未易得也。求同於兩矢之較者曰後數。同於兩矢之較未易得也。求比於角度之矢者曰初數。此初數後數之義也。用平儀則距等弧之矢。可以例全徑。距等矢之半。可以例半徑。角度之矢。依角之鈍銳爲大小。鈍角則大於半徑。銳角則小於半徑。以半徑與角度之矢。例正弦。則所得之數爲初數。以半徑與小弧之弦。例初數。則所得之數爲後數。以初數爲弦。後數爲句。以半徑爲弦。小弦爲句。其例一也。有一半徑一大弦一小弦。




求初數用大弦。則求後數用小弦。或求初數用小弦。求後數用大弦。皆可相通。無一定之例。





右圖乙丙丁兩銳角一鈍角依乙丁夾弧規爲圓周
 依乙丙弧丙丁弧規爲已丙乙壬丙丁兩半周壬丙
 丁必縮已丙乙必側



右圖三弧求銳角





右圖丁丙弧丙辛正弦卯辛餘弦丙乙弧丙寅正弦
 辛寅餘弦乙丁弧乙午正弦卯午餘弦



右圖丁丙卽丁丑丑乙爲較弧乙癸爲較弧矢丑癸
 爲較弧弦辛丁爲丙丁之矢午丁爲乙丁之矢辛午

爲矢較辛卯與卯午爲半矢較辛丙與辛丑同丁丙
 之正弦辛丙如丁丑之正弦辛丑




右圖乙癸爲較弧矢寅乙爲對弧矢寅癸爲兩矢較

丑丙爲初數與乙氏同丙子爲後數與寅癸同卯戌
與酉戌猶辛丑與丙丑卯乙與乙午猶丙丑與丙子
卯戌爲丁角之半徑卯乙爲丁乙弧之半徑辛丑爲
丁丙弧之弦乙午爲乙丁弧之弦


凡距等之矢
皆夾弧之弦

卯乙午

句股形猶丑丙子句股形或大或小而比例皆同也
以午乙與乙卯例丙子與丙丑則得丙丑以辛丑與
丙丑例卯戌與酉戌則得酉戌是爲丁角度以半徑
卯戌與大弦辛丑例丁角酉戌與初數丙丑以卯乙
例小弧之弦得後數丙子或以卯戌與乙午比例得
乙午得乙氏爲初數次以卯丁與辛丑比例得後數



右圖乙丙丁三鈍角以卯戌與酉戌例小弧之弦丙
 辛得初數丙丑以卯乙例大弧之弦乙午得後數



右圖乙丙丁三銳角戴氏句股割圓記第五十第五
十一二圖吳氏以上圖爲三銳下圖爲三鈍按之第
五十圖仍兩銳也今曲阜孔氏刻本雖爲改正遂缺

三銳一圖爲此補之

一角兩弧求角

先以角度之矢乘一弧正弦半徑除之得初數次以初數乘一弧正弦半徑除之得後數次以後數併較弧之矢得對弧之矢次以對弧之矢減半徑得對弧餘弦

兩角一弧求角

先以本形求次形次以兩弧一角求得弧又以次形復爲本形

三弧求角


先以兩矢較乘半徑以一弧正弦除之得初數次以初數乘半徑以一弧正弦除之得角度之矢次以角度之矢減半徑得餘弦

三角求弧

先以本形求次形次以三弧求角又以次形復爲本形


大弧小弧之和曰總弧其較曰存弧截總弧之所至而畫之爲總弧之弦以弦截矢爲總弧之矢截存弧之所至而畫之爲存弧之弦以弦截矢爲存弧之矢自所截以及於心爲兩弧之餘弦總弧之矢減存弧之矢亦曰

兩矢較中兩矢較而半之曰半矢較兩矢並集一半徑則兩餘弦相減減之同半矢較之度兩矢各居一半徑則兩餘弦相加加之同半矢較之度以半矢較求對弧較弧之兩矢較猶以半徑與本角之矢此之謂以總弧較存弧也總弧適足半周則存弧之矢必半徑其餘弦亦如之於是總弧以全徑爲之矢以半徑爲兩弧之矢較兩夾弧同度則無對弧存弧矢較而有對弧之矢於是以正弦爲總弧之弦以對弧之矢爲半矢較此又總弧存弧之變也




右圖乙丁巳總弧戊乙存弧合得半周己寅總弧弦
 寅乙總弧矢戊癸存弧弦癸乙存弧矢寅卯總弧餘


弦癸卯存弧餘弦子癸爲對弧矢減較弧矢之兩矢
 較寅寅爲總弧存弧之兩矢較



右圖總弧存弧均過象限。前圖寅癸折半恰當卯。此折半當丑。寅丑與癸丑皆半矢較。鈍角丑在子癸之外。開銳角丑在子癸之外。





右圖總弧乙丁巳過象限存弧戊乙不過象限




右圖總弧乙巳丁過兩象限存弧不過象限

右圖總弧乙巳丁過兩象限存弧過象限





右圖總弧乙丁巳存弧戊乙均不過象限



右圖總弧乙丁巳過三象限存弧戊乙不過象限
 環中黍尺之例云角旁兩弧度相加爲總相減爲存

總弧過象限以總存兩餘弦相加不過象限則相減
鉅折半為初數若總弧過兩象限與過象限法同過
三象限與在象限內同若存弧亦過象限則反其加
減以循考之餘弦必以矢端至心為度如癸之於卯
寅之於卯是也

癸為存弧之矢端寅為總
弧之矢端卯為圖周之心

今所用者癸寅兩

餘弦必兼以卯各居一半徑則卯在寅癸之間卯無
碍於寅癸直以寅卯與卯癸合之可也共集一半徑

則卯或在寅外

如右總弧
過三象限


或在癸外

如前總弧存
弧均過限圖

用寅癸

則卯為多度故必去寅卯存寅癸或去癸卯存癸寅
然則餘弦之或加或減視乎卯之在外在中卯之在


外在中視乎兩矢端之在一半徑與兩半徑而兩矢端之所在正不繫乎總弧存弧之過與不過故直易其過不過之例曰竝集曰各居而後爲一定之例也然所用者癸寅也癸寅者何卽兩矢端之間餘弦之所以加所以減皆由兩矢端之故則與其用餘弦而多一加減之繇何如直用兩矢端之爲捷故東原氏之例曰以左右兩距相併爲和度相減爲較度卽總弧存弧和度較度之矢相減半之爲矢半較東原氏之術視勿菴爲約矣



右圖戊卯爲存弧之弦乙卯爲存弧之矢總弧滿半
 周則無弦其矢卽乙卯寅則以乙卯減乙卯寅存卯

寅爲兩矢較亦卽爲半徑也。勿菴以半徑爲餘弦。東
原氏駁之。蓋大矢已滿圓徑。不容有弦。何有餘弦。則
半徑爲矢較之說長也。然存弧以半徑爲矢。與全徑
相減。故半徑得爲總弧存弧之矢較。而存弧以半徑
爲矢。卽以半徑爲弦。以半徑爲弦。卽以半徑爲餘弦。
則謂半徑爲總弧之餘弦。不可。謂半徑爲存弧之餘
弦。無不可。存弧總弧之餘弦。加減而折半之例也。梅氏之例
今止有存弧餘弦。無總弧餘弦。相減則竟用而半之
爲初數。用矢半較。自捷於用餘弦。總弧滿半周。旣
於用半徑。則從乎矢較。謂之矢較可也。從乎餘弦。謂

之存弧餘弦可也



右圖乙丁丙丁兩夾弧同度卯子爲半徑甲子爲丁

角寅乙爲夾角正弦丙乙爲對弧之矢無存弧不得
有存弧之餘弦無矢較自不必有矢半較總弧之弦
已寅猶正弦寅乙半徑角度與正弦比例得矢半較
此比例得對弧之矢亦如矢半較矣

一角兩弧求弧

一以兩弧相併爲總弧又相減爲存弧次以總弧之矢
減存弧之矢又折半之爲半矢較以半矢較乘本角
之矢半徑除之得對弧之兩矢較加較弧之矢得對
弧矢以減半徑得餘弦

一弧兩角求角

以本形減半周作次形用兩弧一角求弧法求之復減半周爲本形


三弧求角

以兩矢較乘半徑半矢較除之得本角之矢

三角求弧


以本形減半周作次形用三弧求角法求之復減半周爲本形

若弧與限等則兩矢之較卽以例本角之矢或兩弧相若而端抵於限則本角之矢卽對角之弧正角有兩無容算矣



右圖乙丁弧適滿象限丑乙爲較弧丑巳爲較弧弦
 丙子爲對弧弦丑內爲兩矢較丙寅爲大弧弦丑丙

卽子己寅丑卽寅丙三弧求角以丙丑乘半徑寅丑
 除之得角度之矢以角矢乘寅丑半徑除之卽丙丑



右圖乙丙乙丁皆九十度。則丙乙爲丁角之度。卽對弧之矢矣。其丙角乙角皆滿九十度。旣無待求。而丁銳角卽對小弧。對小弧卽丁銳角。不待算而知也。

門人汪昌序

校字

男

廷琥